

## PRIJEDLOG

Na osnovu člana IV tačka 4 a) Ustava Bosne i Hercegovine Parlamentarna skupština Bosne i Hercegovine na sjednici Predstavničkog doma održanoj \_\_\_\_\_ 2009 godine i na sjednici Doma naroda , održanoj \_\_\_\_\_ 2009 godine usvojila je

### **ZAKON O IZMJENAMA I DOPUNAMA ZAKONA O OSNIVANJU IZVOZNO-KREDITNE AGENCIJE BOSNE I HERCEGOVINE**

#### **Član 1 . ( Uspostavljanje )**

(1) U Zakonu o osnivanju Izvozno-kreditne agencije Bosne i Hercegovine ( „Službeni glasnik BiH „ broj 62/04) član 4 , stav (2) mijenja se i glasi :

„ Osnivač IGA-e je Bosna i Hercegovina sa entitetima koji obezbjeđuju početni kapital. Učešće entiteta u početnom kapitalu je srazmjerno iznosu iskorištenih sredstava kredita Svjetske banke za Projekat hitnog pokretanje industrije i Projekat podrške izvoznim preduzećima i to 50 % za Federaciju Bosne i Hercegovine i 50% za Republiku Srpsku. Učešće Bosne i Hercegovine u kapitalu određeno je iznosom odobrenih grantova Svjetske banke.

(2) Procenat učešća entiteta u osnivačkom kapitalu je procenat alokacije obaveza prema kreditoru za kredite u predhodnom stavu.“

#### **Član 2. ( Stupanje na snagu )**

Ovaj zakon stupa na snagu osmog dana od objavljivanja u „Službenom glasniku BiH“ .

PS BiH broj /09  
\_\_\_\_\_ 2009 godine  
Sarajevo

Predsjedavajući  
Predstavničkog doma  
Parlamentarne skupštine BiH  
Beriz Belkić

Predsjedavajući  
Doma naroda  
Parlamentarne skupštine BiH  
dr Mladen Ivanić

**OBRAZLOŽENJE**  
**ZAKONA O IZMJENI I DOPUNI ZAKONA O OSNIVANJU IZVOZNO- KREDITNE**  
**AGENCIJE BOSNE I HERCEGOVINE**

**A) Ustavno-pravni i zakonski osnov za uvođenje propisa**

Ustavni osnov sadržan je i u članu IV tačka 4 alineja a) Ustava Bosne i Hercegovine po kojoj Parlamentarna skupština ima nadležnost za donošenje zakona koji su potrebni za provođenje odluka Predsjedništva ili za vršenje funkcije Skupštine po Ustavu.

Pravni osnov je sadržan u članu 17 Zakona o Vijeću ministara BiH („Službeni glasnik BiH 30/03 , 42/03 i 81/06) i članu 4 Zakona o ministarstvima i drugim organima uprave Bosne i Hercegovine ( „Službeni glasnik BiH „ broj 05/03) .

**B) Razlozi za donošenje zakona**

Zakonom o osnivanju izvozno-kreditne agencije Bosne i Hercegovine („Službeni glasnik BiH“ 62/04 ) u članu 4 stav 2 je decidno opisno definisano učešće entita i države u osnivačkom kapitalu Izvozno – kreditne agencije Bosne i Hercegovine. Za registraciju Agencije u Registar institucija Bosne i Hercegovine i zbog potrebe da se utvrdi procenat servisiranja obaveza entita prema kreditoru , nephodno je učešće entita procentualno definisati.

Izmjenom i dopunom Zakona o osnivanju izvozno-kreditne agencije BiH se precizno određuje udio Federacije BiH i Republike Srpske u kapitalu IGA-e , iz kojeg proizilaze sva prava i obaveze kao osnivača.

**C) Usklađenost propisa sa evropskim zakonodavstvom**

U pripremi Nacrta zakona za predloženu izmjenju nije urađen uporedni pregled usklađenosti sa direktivama EU jer navedena izmjena zakona tretira strukturu osnivačkog kapitala koja je rezultat sporazuma entiteta i države Bosne i Hercegovine.

**D) Provedbeni mehanizmi i način osiguravanja poštivanja propisa**

Usvajanjem Nacrta Zakona o izmjenama i dopunama Zakona o osnivanju izvozno-kreditne agencije BiH – IGA-e bi definisani procenti odmah bili primjenjeni na ukupan iznos kapitala i udjeli upisani u Registar insitucija BIH u Ministarsvu pravde te primjenili na već dospjele obaveze po kreditima ,koje su se do sada izvršavale prema odredbama Zakon o dugu i garancijama u BIH („Službeni glasnik BiH br. 52 /05) .

**E) obrazloženje finansijskih sredstava za provođenje propisa i finansijski efekti zakona**

Usvajanjem Nacrta Zakona o izmjenama i dopunama Zakona o osnivanju izvozno-kreditne agencije BiH – IGA-e bi omogućio jasnije definisanje pozicije entiteta u strukturi kapitala i neometano servisiranje obaveza prema ino kreditoru. .

#### **F) Opis konsultacija vođenih u procesu izrade propisa**

Inicijativu za izradu Nacrta zakona o izmjeni i dopuni zakona o osnivanju izvozno-kreditne agencije Bosne i Hercegovine pokreće Ministarstvo finansija i trezora u ime Vijeća ministara BiH. Ministarstvo će pribaviti mišljenja relevantnih državnih i entitetskih instucija u procesu izmjene i dopune zakona.

#### **G ) Obrazloženje odredbe koja se mijenja**

**Član 1 .** U važećem zakonu u članu 4 , stav 2 izostalo je decidno procentualno učešće entiteta u osnivačkom kapitalu IGA-e jer se za iste tražila saglasnost entiteta .  
Udjeli u kapitalu su transponirani u zakon.

**Član 2.** U članu 2 se definiše vrijeme kada zakon stupa na snagu.